

**Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA VAREŠ  
OPĆINSKO VIJEĆE**



**Broj: 01- 230 /10  
Vareš, 29.11.2010.godine**

Na osnovu člana 10. stav 1. podtačka e) Zakona o komunalnim djelatnostima («Službene novine Zeničko–dobojskog kantona» broj 17/08) i člana 22. tačka 2. Statuta Općine Vareš, broj 01-25/09 od 29.01. 2009. godine, Općinsko vijeće Vareš, na 23.sjednici održanoj dana 29.11. 2010. godine, d o n o s i

## **O D L U K U**

### **o izmjeni Odluke o kalkulativnim parametrima**

#### **Član 1.**

U Odluci o kalkulativnim parametrima br.01-103/10 od 05.05.2010. godine u članu 1. tačka 8.VODA, alineja d),mijenja se i glasi “zahvaćene(proizvedene) količine vode za godinu dana izražene u m<sup>3</sup>.”

#### **Član 2.**

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI  
OPĆINSKOG VIJEĆA**

**Josip Malbašić**

Ova odluka objavljena je na oglasnoj tabli Općine Vareš, dana 30.11.2010. godine.

**OPĆINSKI NAČELNIK**

**Hamdo Fatić**

## **Obrazloženje Odluke o izmjeni Odluke o kalkulativnim parametrima**

Pravni osnov za donošenje ove odluke je sadržan u članu 10. stav 1. podtačka e) Zakona o komunalnim djelatnostima koji glasi: „da se cijene komunalnih usluga obrazuju prema kalkulativnim parametrima koje će usvojiti Općinsko vijeće kojim se obezbjeđuje najmanje prosta reprodukcija u periodu od dvije godine“.

Cilj je bio utvrditi kalkulativne parametre, a da se njihovim postavljanjem zadrži postignuti nivo u pružanju komunalnih usluga te stvori prostor za podizanje standarda u pružanju istih.

Odluka o kalkulativnim parametrima br.01-103/10 je usvojena na 18. sjednici Općinskog vijeća koja je održana 05.05.2010. godine.

Prilikom primjene Odluke kod izrade kalkulacija cijena vode i kanalizacije uočene su određene nejasnoće i nepreciznosti u kalkulativnim parametrima što je prouzrokovalo različita tumačenja od strane JKP d.o.o. Vareš i Općine, a što bitno utiče na kalkulaciju visine cijene vode i kanalizacije.

U Odluci o kalkulativnim parametrima br.01-103/10 od 05.05.2010. godine u članu 1. tačka 8.VODA, alineja d) stoji „ukupne fakture za godinu dana izražena u m<sup>3</sup>“ tako da je JKP d.o.o. Vareš prilikom izrade kalkulacije cijene vode uzeo u obzir fakturisane količine vode krajnjem korisniku, ne uzimajući u obzir gubitke koji se javljaju u svakom vodovodnom sistemu na primarnoj i sekundarnoj mreži.

Mišljenje Općinskog načelnika br.02-544/10 od 21.09.2010. godine na predloženu kalkulaciju je dostavljeno Općinskom vijeću gdje je navedeno da je potrebno uvrstiti i gubitke koji se stvaraju u vodovodnoj mreži jer i oni učestvuju u ukupnim troškovima proizvedene vode.

Nadzorni odbor JKP d.o.o. Vareš je svojim aktom br.1344-10/10 od 29.10.2010. godine podnio prijedlog za izmjenu Odluke o kalkulativnim parametrima gdje bi se u obzir uzeli i gubici u primarnoj i sekundarnoj mreži koji bi teretili preduzeće a ne krajnje korisnike kako je propisano važećom Odlukom.

Prijedlog Nadzornog odbora je da se u članu 1.,tačka 8.VODA,alineja d), umjesto teksta »ukupne fakture za godinu dana izražena u m<sup>3</sup>“ stoji tekst “zahvaćene količine vode za godinu dana izražene u m<sup>3</sup>.“

Radi otklanjanja ovih nejasnoća i nedostataka pristupilo se izmjeni Odluke u navedenom obliku.

Ova Odluka će biti osnov davatelju komunalnih usluga za izradu nove kalkulacije cijena komunalnih usluga koju će usvojiti Općinsko vijeće .

Za sprovođenje ove Odluke nije potrebno planirati finansijska sredstva u budžetu Općine i predlaže se Općinskom vijeću da je usvoji u predloženom obliku

**PREDLAGAČ  
OPĆINSKI NAČELNIK  
Hamdo Fatić**